

GASTU ETA SARREREN TXOSTEN EKONOMIKOA. BIZKAIKO ABOKATUEN ELKARGO OHORETSUA

2019ko ekitaldia

Idazki honekin batera doan taulan, 2019ko ekitaldiaren betearazpen ekonomikoa osatzen duten kopuruen ondoan, aurrekontuan iragarritakoa jaso da, kostu edo gastu guneak kontuan hartuta; beraz, benetako gastuak aurreikusitako gastuekin errez konparatu ahal dira; aurrekontu hori 2018ko abenduaren 20an egindako Aurrekontuen Batzar Nagusiak onetsi zuen.

Elkargoak duen kontabilitate analitikoa erabili da txosten hau prestatzeko. Horrela elkargokideek argi eta garbi azter dezakete dokumentu hau; hori dela eta, batetik, kostu edo gastu guneak eta kontzeptuak zehatz azaltzen dira, eta, bestetik, diru sarrerak. Horrenbestez, elkargokideok erraz eta arin dakuskigu datu guztiak, baita errealitatean duten eragina; halaber, desbideratzeak ikus daitezke, aurreikusitakori dagokionez.

Gogoratu behar da aipatutako ekitaldian **kideen kuotek berdin jarraitu dutela**; are gehiago, hamaika ekitaldi hauetan kideen kuotak ez dira igo edo behera egin dute. Elkargoko ekonomia arloan gastuak doitzeko eta ez handitzeko politika erabili da, betiere kideei eskainitako zerbitzuak behar bezala emanda.

Jarduera-zentroen arabera zehaztutako gastuen eta sarreraren partidak zehatz xehatzeaz gain, txosten honetan iruzkindu beharreko beste alderdi batzuk aipatzen dira. Dena den, Elkargoko diruzainak **Batzar Nagusian** informazio zabala emango du **apirilaren 3an, ostirala, 13.00ean**, gure egoitzaren ekitaldi-aretoan (Uribitarteko Aldapak, 3, Bilbo). Edo, bestela, behar bezala zehaztu eta iragarriko den datan, martxoaren 14ko 463/2020 Errege Dekretuak, **COVID-19k** eragindako osasun-krisia kudeatzeko **alarma-egoera deklaratzeko duenak**, mota guztietako egintzak eten dituelako.

Atal edo kostu-zentro hauek **nabarmendu eta zehatzago azaldu** nahi ditugu, garrantzitsuak direlako edo zenbateko aipagarria dutelako:

Zerbitzu orokorrak:

Kontzeptu honetan gure elkargoaren egiturari eta ohiko funtzionamenduari dagozkion gastu eta sarrera guztiak bildu dira, hau da, jarduera zehatz bati ez dagozkionak. Hori dela eta, kopururik handiena duen partida da.

Gastuak (Zerbitzu orokorrak):

Ondoren, zerbitzu orokorren barruan aipamen berezia merezi duten gastuen azalpen laburra gehitu dugu, gure ustez oso garrantzitsuak dira eta:

- 603 partida, **Liburutegirena**. Aurreikusitakoa baino txikiagoa izan da gastua. Atal hau beti aipatu beharrean gaude, gure ustez garrantzi handia baitu, ez zenbatekoari dagokionez soilik, 96.902 € (aurreikusitakoa: 105.000 €), baizik eta zerbitzu hau abokatuoi eskaintzen zaigun nagusietakoa delako eta guztiok sarritan erabiltzen dugulako. Kontzeptu honetara, monografiak erostea, aldizkako argitalpenetan, aldizkari ofizialetan, datu-base juridikoetan izena ematea, koadernaketak, etab. biltzen dira, baita legegintzako eta jurisprudentziako datu-baseetan on line izena ematea ere, Elkargoko liburutegian, Buenos Aires eta Barroetako justizia jauregietan eta barruti judizialeko egoitza judizialen bulegotan (Barakaldo, Getxo, Gernika eta Durango).
- 607 partida, **Beste enpresa batzuek egindako lanak** izenekoa, 69.024 € euro dituen.

Partida honetan “Eduardo Escibano” erakusketa gelaren inguruko gastuak jasotzen dira. Gastuen artean hauek daude: egileak hautatzea, katalogoak editatu eta inprimatzea, artelanak instalatu eta kentzea, etab. Lehen gastu horiek BBK Fundazioak zuzenean ordaintzen zituen baina orain beste modu batera egiten da: BBK Fundazioak urtero diru kopuru bat ematen digu eta Elkargoak hornitzaileak kontratatu eta ordaintzen ditu. Azken bi urteetan modu horretara egin da.

Halaber, partida honetan kontu hauek jasotzen dira: komunikazio bulegoaren lana, sinadura elektronikoa daramaten elkargoko txartelak egitea edota elkargoaren egoitzetan dauden togak garbitzea eta konpontzea; azken horri dagokionez, ekitaldian 33.015 € gastatu dira.

- 622 partida, **Konponketak eta kontserbazioa** izenekoa, 96.693 € dituen. Partida honetan, ohi bezala, hauek sartzen dira: Elkargoaren egoitza guztietako instalazioak eta ekipoak mantentzetik nahitaez eratorritako gastu guztiak jaso dira: ordenagailuak, fotokopiagailuak, lokalen garbiketa, zainketa- eta detekzio-sistemak, airea girotzekoak, togak egin eta konpontzea, lokalak margotu eta zaharberritzea, etab., baita elkargo profesionala garen neurrian gure jarduerari dagozkion bestelako gastu orokor arruntak.

Aurten ez da mantentze-lan garrantzitsurik egin; izan ere, hilabete batzuk eman ditugu igogailu berri bat instalatzen, elkargoaren bulego guztietara (beheko solairua, liburutegia eta ekitaldi-aretoa) irisgarritasun unibertsala eskainiko duena, baina gastua ez da ekitaldiaren barruan sartzen, inbertsioa baita, instalazio berri gisa, hurrengo ekitaldietan amortizatu beharrekoa.

- 623 kontua (224.352 €) **Profesional independenteek emandako zerbitzuei** dagokie. Gure aurrekontuetan kopuru garrantzitsua izaten da beti. Funtsean, Elkargoarentzat lanak egiten dituzten profesionalei, batez ere abokatuei, egiten zaien ordainketari dagokio. Profesional horiek jarduera espezializatuak egiten dituzte Elkargoarentzat, besteak beste, honako hauen inguruko gastuak sartzen dira minuten aurretiazko txostenak, elkargokideei eta jendeari oro har eskaintzen zaien ordainsarien zerbitzua, eta erantzukizun zibilar buruzko txostenak, kasua balitz. Aurrekontuan jasotakoaren igoera, batez ere, urtean zehar izapidetu diren epaitegiek eskatutako informazio-eginbideen eta kostuen tasazio-espedienteen gehikuntza nabarmenari dagokio.

Halaber, partida horretan elkargoaren kudeaketarako behar diren egokitzapen eta hobekuntza informatikoak eta elkargokideekiko komunikazio plataformak sartu dira; kontu horiek azken urteetan nahitaezkoak bihurtu dira: etengabe egin behar dira eta lan handia ematen dute.

- 6272 partida, **Publizitatea eta Propaganda** (56.348 €). Bertan Elkargoak herritarrek abokatu-zerbitzuak erabiltzearen alde egindako publizitate-gastuak jaso dira. Aurten ere kanpaina bat egin da, azaroan, Metroko, Euskotreneko eta Bizkaibuseko geltokietan kartela deigarriak jarrita; horrela, Bizkaia osora zabaldu dugu gure mezua. Horrez gain, El Correo egunkariak iragarkiak jartzeko egin zigun eskaintza aprobetxatu dugu, izan ere, ekonomikoki oso interesgarria zen; ondorioz, urtean zehar eguneroko horretan agertu gara.

Publizitate ekimen horien bidez, abokatutzaren irudia indartu nahi da eta, baita ere, abokatuak kontratatzeak dituen abantailak herritarren artean zabaltzea, batez ere, halako zerbitzuak inoiz erabili ez dituztenen artean; halaber, abokatuon prebentziozko lana bultzatu dugu.

- 6291 partida, **Komunikazioak** (28.775 €). Atal honetan honako gastuak sartzen dira: postaren bidez gutunak igortzeak eragindako gastuak, Elkargoko bulegoetako telefonoa eta Internet (Wifi) zerbitzuak eragindakoak, eta, azkenik, Elkargoko bulegoen arteko lotura telematiko eta telefonikoak sortutakoak. Komunikazio horiek gero eta garrantzitsuagoak dira, izan ere, elkargokideentzako zerbitzuak estranetaren bidez ematea gero eta ohikoagoa da. Hala ere, hornitzaileekin egindako negoziazioagatik eta mota horretako zerbitzuen prezioa murrizteagatik kostua jaisteak lortu da, bai eta Elkargoak eremu guztietan duen komunikazio-politikagatik ere, sistema telematikoetara bideratuz.

- 6293 kontua, **Elkartasun Funtsa** izeneko (6.000 €). Elkargoak duela hamarkada bat baino gehiago onartu zuen funtzionamendu-erregelamenduan ezarritako irizpideen arabera.

Aurreikusitakoa jasotzen da hemen baina, egia esan, gehiago gastatu da (batez ere, elkargokideen alargun eta seme-alabei laguntzeko; guztira, 42.904 €), izan ere, aurreko ekitaldietatik dugun superabita erabili dugu. Lan horretara bideratutako zenbatekoari esker, gure lankide izan zirenen edo haien senideen laguntza-eskaerei aurre egin ahal izan diegu, premia-egoeran izan direnean.

Aipatutako erregelamendua Elkargoaren web orrian ikusgai duzue (www.icasv-bilbao.com). Eskabideak urtero egin ahal dira, urria baino lehenago; dena dela, Elkargoak urtean zehar aurkeztutakoak ere aztertu eta, kasua denean, onartuko ditu.
- **Pertsonalari** buruzko zenbatekoa aipatu nahi dugu (hau da, Alokairuak eta soldatak, Gizarte Segurantza eta Beste gizarte-gastu batzuk). Nahiz eta Zerbitzu orokorrez aritu, pertsonalari buruzko gastuak Elkargoko beste zerbitzuekin batera jorratu behar ditugula uste dugu; beraz, jarraian adierazten duguna Elkargoaren kostu-zentro guztiei buruzkoa da, bai eta langileekin, soldata eta soldatekin, Gizarte Segurantzarekin eta beste gizarte-gastu batzuekin lotutako partida guztiei buruzkoa ere.. Guztira, 1.372.017 €-ko gastua sortu da, aurreikusitakoa baino pixka bat gehiago, hau da, gastu guztien %39,28. Diru asko da, aurreko urteetako antzekoa, baina partidaren zenbatekoa zentzuzkoa dela uste dugu, izan ere, Elkargoak bere zerbitzu gehienak partida horretara bildutako langileen bidez eskaintzen ditu.
- **Amortizazioak**: Pertsonalaren atalarekin egin dugun moduan, amortizazioei buruzko atal honetan ere Elkargoko beste zerbitzuekin batera jorratu behar ditugula uste dugu. Elkargoak ezarrita duen kostuen analitikaren ondoretarako, ezarpen horiek modu proportzionalan egiten dira Elkargoaren instalazioei ematen zaien erabilera kontuan hartuta. Gastua banatzen da zerbitzu orokorren, praktika juridikoko eskolaren eta ofizioko txandaren artean. Betiere zergen arauketa eta kontabilitate arauketa kontuan hartuta. Xede horretarako, kontzeptu horiengatik kostu-zentro guztietan ezarritako kopurua 171.279 € izan da guztira.

Diru sarrerak (Zerbitzu orokorrak):

- **Elkargoko kuotak** Elkargoko diru-sarreraren lehen iturria dira bere eginkizunak bete ahal izateko. Txosten honen hasieran adierazi dugun moduan, jadanik badira hamar urte jarraian kuotak igo gabe (mantendu edo bajatu dira).

Aldizkako kuotak guztira 1.539.963 € izan dira (aurrekontuetan, 1.560.050 €); kopuru horri Elkargoan sartzeagatik lortutako diru-sarrerak gehitzen badizkiogu -49.300 € (aurrekontuetan, 50.260 €)-, sarrera guztien % 45,66 dugu, hau da, 1.589.563 €.

Ikusten denez, Elkargoko kuoten eragina gero eta txikiagoa da (2011. urtean sarreraren % 60,86 zen), izan ere, kuotak beheratu dira eta urtero sartzan diren kide berriak gero eta gutxiago dira; dena den, bestelako diru sarrerak izan ditugu: Praktika

Juridikorako Eskolak jarduera gehiago antolatu ditu eta horri esker, gehien bat, sarrerak handitzea lortu da. Halaber, ekitaldi honetan, doako laguntza juridikoaren zerbitzuetatik eratorritako kudeaketa-gastuengatik Eusko Jaurlaritzatik jasotako zenbatekoa handitu egin da.

- **Askotariko sarrerak** izeneko atala ere aipagarria da (35.670 €); gure aurreikuspenetan iragarritakoa gutxi gorabehera. Partida honetan elkargokideek ordaindutako hainbat gauza sartzen dira: fotokopiak, ziurtagiriak, artikulatu txikiak edo sinadura elektronikoa duten karnetak eta irakurgailuak; azken bi horiek gaur egun asko erabiltzen dira, izan ere, auzitegiekiko komunikazioa modu telematikoan egiten hasi gara eta aipatutako tresna horiek nahitaezkoak dira, baina kideek erosita izan dituztenez, iazko kopuruarekin alderatuta aurtengoa apalagoa izan da. Hala ere, badira elkargokide berriak eta, gainera, berriztapenak egiten ditugu.
- 706 partidari –**Jarduerak antolatzea**– BBK Fundazioak egindako ekarpena agertzen da, 26.000 €; kopuru horrekin ekitaldi aretoaren inguruko gastuak ordaindu behar ditugu, aurretik azaldu bezala (Elkargoko gastuen ataleko *Beste enpresa batzuek egindako lanak* izeneko partidari, hain zuten).
- Azkenik, ohiko zenbatekoa gainditu delako, **Ezohiko sarrerak** aipatu behar ditugu. Bertan zenbait kontzeptu sartu dira: kobratu gabe zeuden kuotak (kobratu direnean), kutxa-erregularizazioak edota kobratutako prozesu-kostuak (Elkargoaren alde izan direnean).
Baina ekitaldi honetan benetan garrantzitsua izan da Lehiaren Euskal Agintaritzak ezarritako zehapenaren aurrean Elkargoak jarritako 100.000 euroak berreskuratzea, Auzitegi Gorenak emandako epaiaren ondorioz. Epai horrek Euskal Autonomia Erkidegoko Justizia Auzitegi Nagusiaren epaia berretsi zuen, zehapen hori baliogabetu zuelako eta gure elkargoak atxilotuari ofiziozko txanda eta laguntza emateko modua egokia zela ezarri zuelako.
Era berean, Elkargoak gordailua egin zuenetik aurrera izandako interesei eta lehen auzialdiko kostuei buruz epaian ezarritakoa kontabilizatu da.
100.000 € horiek gastu gisa sartu ziren 2017ko ekitaldiko likidazioan.

Praktika Juridikorako Eskola:

Praktika Juridikoko Eskolaren jarduerak gora egin duenez –aurreko ekitaldietan aipatzen genuen moduan–, gastuak ere nabarmen handitu dira, baina batez ere diru-sarrerak. Horren arrazoi nagusia Deustuko Unibertsitatearekin batera abokatutzan aritzeko unibertsitate masterra da; horri esker kuotak bajatzea edo mantentzea posible izan da. Horrez gain, gure Eskolak antolatuta urte osoan hainbat ikastaro eta tailer egin dira, eta jende askok parte hartu du; horrek ere zenbatekoak handitzen lagundu du.

Jarraian, datu azpimarragarrienak jaso ditugu:

GASTUAK:

- Lehenengo eta behin, garrantziari erreparatuz, 623 kontukoak aipatu behar dira, ***Profesional Independenteen Zerbitzua***, 463.358 € guztira. Kopuru hori erabili da ia-ia osorik antolatutako ikastaroetako eta Masterreko irakasleei eta hizlariari ordaintzeko. Partida honetan, Deustuko Unibertsitatearekin elkarlanean antolatzen dugun MUAA sarbide-masterreko irakasle ugariari ordaintzea, UPV-EHUko masterreko praktiketako irakasleei egiten dieguna, urte osoan zehar egindako ikastaro eta jardunaldietako hizlari ugariena, eta eskolaren antolaketan lan egiten duten profesionalen zerbitzuak ordaintzea sartzen dira.
- Bigarren, garrantzi ekonomikoa dela eta, ***Pertsonalaren gastuak*** aipatu behar dira, 196.467 € guztira.

SARRERAK:

- Ia-ia finantzaketa-iturri bakarra denez, garrantziari erreparatuz eta aurrekontutik urruntzen delako, 706 kontua aipatu behar da, ***Jarduerak antolatzearen ondoriozko sarrerak***, 870.704 € guztira. Kopuru hori aurrekontuan jasotakoa baino zertxobait txikiagoa da, baina oso garrantzitsua nolana ere, batez ere MUAA 2019/2020ren edizioan izandako ikasle-kopurua murriztu delako, eta murrizketa horrek matrikulengatiko diru-sarrerari eragin die. Litekeena da hainbat erakunde publikok lan-eskaintza handia iragarri izana, eta, horren ondorioz, ikasle askok oposizioak prestatzea erabaki dute, abokatutzan sartu ordez.

Zifra horien arrakasta ez da ekonomikoa soilik, eta Elkargoak duela urte askotatik gure Praktika Juridikoko Eskolari eman dion babes handia erakusten du. Aitorpen hori fruituak ematen ari da, eta horri esker, guztiz ziur gaude apustu honek etorkizunean ere jarraitu behar duela, ez bakarrik ekonomiari dagokionez garrantzia duelako, baita profesional gisa dugun jarduera hobetzeari begira ere, trebakuntza egokia ahalbidetzen digun tresna sortu baitugu.

Ofizioko txanda:

Atal honetan, Orientazio Juridikoko Zerbitzuaren eginkizunetarako beharrezko azpiegiturari dagozkion gastuak jaso ditugu, baita ofizioko txandari eta atxilotuari laguntzeko zerbitzuari dagozkionak ere, modalitate guztietan, etxeko indarkeria barne hartuta.

Gastuak aurrekontuan jasotakoak dira, eta guztira 650.058 € dira. Aurrekontuan jasotakoaren ia antzeko kopurua. (643.500 €). Azken urteotan kudeaketa telematikoko sistema hobetzeko eta elkargokideekin zuzenean komunikatzeko egin den lanari esker, une honetan informazio arinagoa dugu doako justizia eta ofiziozko txanda izapidetzen eta ebatzen lan egiten dugun erakunde guztien artean, eta gai bakoitzean izendatutako elkargokideei helarazten diegu, estranetaren bidez. Horren ondorioz, une honetan ofiziozko txandari eta atxilotuari laguntzeari buruzko eta etxeko indarkeriari buruzko

Elkargoaren eta Elkargoaren arteko komunikazio-prozesua modu telematikoan baino ez da egiten, eta Elkargoari entregatzen zitzaizkion paperezko parteak ezabatzen dira.

Horrek gastu bat dakar zerbitzu informatikoetan, eta, kasu honetan, ondorio azkar eta zuzena dute zerbitzuaren kudeaketa hobetzeko, bai elkargokideentzat, bai Elkargoarentzat, bai Doako Justizia Batzordearentzat, bai zerbitzua eskuratzen duten partikularrentzat.

Atal honetako sarrerak (615.441 €) aurreko urteetako zenbatekoekin bat datoz; defizit txiki bat dago (34.618 €), Ofizioko Txandaren zentro analitikoa dela eta. Dena dela, espero dugu defizit hori ezabatzea, izan ere, 153/2018 Dekretua, urriaren 30ekoa, Doako Laguntza Juridikoarena, 2019ko urtarrilaren 1ean indarrean ezarri zen eta testu horrek dirulaguntzen sistema berria ezarri zuen; azpiegitura-gastuen kalkuluan sistema aldatzea aurreikusten da, kontzeptu horrengatik etorkizunean jaso beharko ditugun diru-laguntzak handitzen dituen.

Elkargoko batzordeak, azterlan taldeak eta beste gastu gune batzuk:

Jarraian, memoriarekin batera gehitu dugun taula analitikoaren ordenari jarraituz, beste gastu gune batzuk eta Elkargoko batzordeak azalduko ditugu, garrantzi ekonomikoa edo Elkargorako duten interesa kontuan hartuta azalpen berezia merezi dute eta.

Kultura:

Aurreikusitakoa (19.800 €) gastatu da (19.619 €), gutxi gorabehera; horren isla dira urtean zehar ekitaldiak; Elkargoari bizitasuna ematen diote, guri eta gizarte osoari zabalduko ekitaldiak antolatuz eta, azken finean, Abokatuen Elkargoko eraikina eta gizataldea bera Bizkaiko gizarteari hurbilduz.

Elkargoaren lokaletan hainbat eta hainbat ekitaldi antolatu dira: rock eta jazz musika-kontzertuak, zinema zikloak, literatura ekitaldiak eta irakurketa egunak, antzezlanak, Gabonetako ikuskizunak guraso eta haurrentzat, etab. Hori guztia laburpen-memorian jasota dago, eta Elkargoko web orrian ikus daiteke, Batzordeari dagokion atalean. Era berean, modu aktiboan parte hartzen dute gure aldizkariko zenbaki guztietan argitaratzen den kultura-atalean.

Informazio Agerkaria:

Elkargoko aldizkariaren hamar zenbaki argitaratu dira (276.tik 285. zenbakira); guztira, zenbaki bakoitzeko 5.550 ale argitaratzen dira; elkargokidek eta mundu juridikoko beste eragile askok postaz jasotzen dituzte.

Gastatutakoa (152.163 €) eta aurreikusitakoa antzekoak dira, eta zenbatekoak aurreko urtekoekin konparatuz, paretsu. Publizitatetik eratorritako sarrerak, 71.549 €.

Bidali dugun zirkularraren bidez dakizuenez, aldizkari berri bakoitzaren edizioarekin aldizkarirako esteka bat bidaltzen ari da formatu digitalean, gure estraneterako sarbidea emanez. Bertan, erraz izapidetu daiteke baja ale fisikoen etxeko harreran. Hori dela eta, hurrengo edizioetan inprimatzen eta postaz bidaltzen jarraitu behar diren kopurua nabarmen murriztea espero dugu.

Argitalpenak:

Ekitaldi honetan 19.415 € gastatu dira, batetik, liburu interesgarriak erosteko eta elkargokideen artean banatzeko, eta, bestetik, jarraian azalduko ditugun ekimen batzuk aurrera ateratzeko.

Bi dira ekitaldi honetan banatu diren lanak: bat Doako Laguntza Juridikoaren Legeari eta Euskal Autonomia Erkidegoko Erregelamendu berriari buruzkoa, eta bestea Jabetza Horizontalaren eta Errentamenduen Legeari buruzkoa.

Gainera, Vlex argitaletxearen datu baseak eragindako gastua sartuta dago. Elkargoaren estranetaren bidez doan kontsultatu ahal dute abokatuek legeria, doktrina eta formularioak biltzen dituen tresna hori.

Ekimen korporatiboak:

Atal honetan Elkargoak antolatutako zenbait ekimen sartzen dira, esate baterako, urteko bazkaria eta 25 urte elkargokide izaten daramatzatenentzako omenaldia, Elkargoan 40 urte daramatzaten lankideen omenezko bazkaria, edo Barakaldoko eta Durangoko epai barrutietan egiten diren ospakizunetarako laguntzak.

Laburbilduz, 111.278 € gastatu dira; gehiena, urteko bazkarian: 517 lagun etorri ziren; beraz, argi dago ekitaldi horrek elkargokideen artean harrera handia duela eta oso arrakastatsua dela; aldi berean, sarrerak izan dira, hain zuzen, elkargokideek urteko bazkaria egiteko ipini duten dirua: 24.932 €.

Partidaren barruan daude baita ere, bestelako zerbitzuak izenburuaren azpian, Elkargoak abokatutzarekin lotuta dauden zenbait erakunderen edo elkarteren aldeko ekarpenak edo Gobernu Batzordeak erabakitakoak.

Arbitraje auzitegia:

Duela urte batzuk, zerbitzu orokorren zentro independente moduan ezarri zen; horrenbestez, auzitegiaren jardueratik zuzenean eratorritako gastuak eta sarrerak hari egozten zaizkio.

Gastuen exekuzioa 45.908 €-koa izan da, aurrekontuan jasotakoaren antzekoa (45.400 €).

Jarduera honetako ohiko irizpideari jarraituz, arbitrajeak likidazioaren unean kontabilizatzen dira. Horren eraginez, kontzeptu honegatik, 17.868 € soilik kontabilizatu ahal izan ditugu. Bestalde, arbitrajeari buruzko on-line ikastaroa —batez ere Valentziako Elkargoarekin lankidetzan egin ohi duguna— ez da egin, izen emate gutxi egon zirelako, eta, beraz, ez da jarduera horren ondoriozko diru-sarrerarik sortu. Espero dezagun ekitaldi honetan bertan ekimena errepikatzea.

Nazioarteko lankidetzak eta Garapenerako hezkuntza:

2019rako zenbatekoa 34.200 €-koa zen, hau da, aurreko aurrekontuaren zenbaki berdina. Banaketa beti bezala egin da, Elkargoko Nazioarteko Lankidetzako Batzordeak ezarritako irizpideen arabera. Eskabide asko egon dira eta azkenean zortzi erakunde hauek lagundu ditugu:

1. MÉDICOS MUNDI

Tokiko elkarteak: Bakearen aldeko Emakumeen Mugimendua, Visitación Padilla
Proiektua: "Emakumeen eskubideen defentsa Hondurasko esparru juridikoaren sustapenean oinarrituta."

3.000 €-ko ekarpena, laguntza juridikoa ematen duen pertsonaren ordainsariak ordaintzeko.

2. MUNDU BAKEAN

Proiektua: "Etxe segurua" indarkeriaren biktima diren emakumeen justiziarako eta erreparazio osorako eskubidea sustatuz. Guatemala

6.000 euroko ekarpena, abokatuaren ordainsariak ordaintzeko.

3. CARITAS

Proiektua: "Emakumeen eta seme-alaben eskubideen defentsa eta familia-indarkeriaren prebentzioa". Peru

4.000 €-ko ekarpena tokiko langileentzat.

4. SODEPAZ

Tokiko elkarteak: ADAMER

Proiektua: palestinarren giza eskubideen sustapena eta defentsa. IV. Fasea. Zisjordania

6.000 euroko ekarpena, abokatuaren ordainsariak ordaintzeko.

5. ADECO

Proiektua: indarkeriaren biktimei arreta integrala ematea. San Salvador

6.200 €-ko ekarpena, giza eskubideen arloko teknikari juridikoaren soldatarako.
Gauzatze-aldia doitzea, lehenengo sei hilabeteak.

GARAPENERAKO HEZKUNTZA

6. KCD, Festival Cine Invisible, Euskadi.

Proiektua: giza eskubideen aldeko herritartasun aktiboa sustatzea

Gauzatzea: 9 hilabete

2.000 euroko ekarpenarekin, Zinema Ikusezinaren Jaialdiko Epaimahaian parte hartzeaz gain (kideren bat epaimahaikide izatea), eta Sariak Elkargoan ematea.

7. CEAR- Euskadi. Errefuxiatuei Laguntzeko Euskadiko Batzordea.

Proiektua: "La BilbaoRefugio: Corremos por las personas que huyen"

Asilo-eskubidearen eta errefuxiatuen defentsa.

Gauzatzea: 3 hilabete

4.000 euroko ekarpena egitea eta ekainaren 2ko lasterketan parte hartzea sustatzea.

8. Jorge Freytter Fundazioa.

Proiektua: Kolonbia 2019. Gatazka armatuaren biktimei laguntza juridikoa ematea, EPB Bakerako Jurisdikzio Bereziaren esparruan.

3.000 €-ko ekarpena, EPBko kide den magistratuaren bisita zabaltzea, eta Elkargoko Ekitaldi Aretoa lagatzea, biktimekin topaketa bat egiteko eta EPBren lana zabaltzeko.

Eta Praktika Juridikoko Eskolari laguntza jaso duen prozesuren batean laguntza edo praktika bat koordinatzeko aukera eskaintzea.

Elkargoko web orrialdean —www.icasv-bilbao.com— diruz lagundutako proiektuen berri zehatza ematen da, hain zuzen ere, batzordeei eskainitako atalean.

Azterlan taldeak:

Taulan, Elkargoak gaur egun azterlan taldeek egindako gastuak ordaintzeko erabili dituen zenbatekoak jasotzen dira. Talde horien jarduerak gure erakundeari bizitasuna ematen diote, eta elkargokideei aukera ematen die izaera desberdineko hainbat ekimenetan parte hartzeko.

Une honetan taldeak hauek dira (sorrera data kontuan hartuta): Familia zuzenbidea, Euskal zuzenbide zibila, Teknologia berriak, Bitartekaritza, Ingurumena, Kontsumoa, Lan zuzenbidea, Nagusien zuzenbidea, Jabetza intelektualari buruzkoa, Zuzenbide kolaboratiboarena eta Animalien zuzenbidearena.

Era berean, taulan jaso dira talde horiek antolatutako jardunaldietan izena emateagatik izandako diru-sarrerak.

Batzordeen eta azterlan taldeen jarduera-txostenak Elkargoaren web orrialdean sartuta daude, hain zuzen ere, batzordeei eskainitako atalean.

Laburbilduz, ondoriozta daiteke bere garaian onartutako gastua zintzo bete dela, eta guztira 3.492.666 €-ko gastua egin dela, aurrekontuan jasotakoa baino % 1,13 gehiago.

Diru-sarrerei dagokienez, guztira 3.481.025 € lortu dira, aurreikusitakoak baino % 0,79 handiagoak. Hala ere, 11.641 €-ko emaitza negatiboa izan da, gure Elkargoaren Gizarte Funtsetik kendu behar izan duguna

Datu hauek guztiak une honetan ikuskatzen ari dira; enpresa independente bat egiten ari da lan hori. Ikuskaritza-txostena prest egongo da **Kontuen inguruko Batzar Nagusia** egin baino lehen. Hain zuzen ere, batzar hori **apirilaren 3an, ostirala, 13.00ean**, gure egoitzaren ekitaldi-aretoan (Uribitarteko Aldapak, 3, Bilbo) izango da. Edo, bestela, behar bezala zehaztu eta iragarriko den datan, martxoaren 14ko 463/2020 Errege Dekretuak, **COVID-19k** eragindako osasun-krisia kudeatzeko **alarma-egoera deklaratzeko duenak**, mota guztietako egintzak eten dituelako.

Bilbon, 2020ko martxoaren 5ean